

弟子建七寶塔高廣四十里時我作女人出見寶塔中像信敬情發念佛功德脫頭上華奉獻於像出雜藏經

天寶女口密十

自在天王有天寶女名曰善口於一語中顯出百千娛樂音聲於彼一一音聲中復出百

千音聲佛子當知一善口聲出生無量聲隨

所應悉令開解出華嚴經第二十九卷

天女聞鹿牛彈琴下悉謂舞十一

過去世時拘薩羅國有人彈琴名曰鹿牛行

息中野有六廣大天宮天女來語鹿牛言阿

舅阿舅為我彈琴我當謂舞鹿牛鼓琴六天

謂舞第一謂辭曰

若男子女人 勝妙衣惠施 施衣因緣故

所生得殊勝 施所盡妙物 生天隨所欲

見我居宮殿 乘虛而遊行 天身如金聚

天女百中勝 觀察斯福德 迴向中中最

餘天辭粗相類文多不載鹿牛亦禮禮竟天忽然

不現出過去經

九末

經律異相卷第二

靈二

須云反上悉鞞迷下價人上音徒陀上音識記上音簡閱悅下音羣僚察下音掠略音怨敵徒上音的反悛

良可反癡騃措下語陶家上音坏器上音據下音

斗斛下胡反貧匱位下豚音焚惑上音探上音

賈音怖懼預下其反奔走上音疥癩到反拍髀

米下音屠膾俱上音下下音瓊上音子也

經律異相卷第三

靈三

梁抄門寶唱等撰

地部

閻浮提一

鬱單曰二

閻浮提一

乙

徐刊

國封所產一

精舍二

山三

樹四

河海五

寶珠六

人飲乳多少及形壽同異七

閻浮提內方國近遠及所出有一

閻浮提內有十六大國八萬四千城八國王
四天子東有晉國天子人民熾盛南有天竺
國天子土地多名象西有大秦國天子土地
饒金璧玉北有月支國天子土地多好馬八

萬四千城中六千四百種人萬種音響五十
六萬億丘聚魚有六千四百種鳥有四千五
百種獸有二千四百種樹有萬種草有八千
種雜藥有七百四十種雜香有四十三種寶
百二十一種正寶七種
海中有二千五百國百八十國食五穀二千

磧砂大藏經

經律異相

三百二十國食魚鱉龜五國王一王主五
百城第一王名斯梨國土盡事佛不事衆邪
第二王名迦羅土地出七寶第三王名不羅
土地出四十三種香及白琉璃第四王名閻
耶土地出華荖胡椒第五王名那頗土地出
白珠及七色琉璃五大國城多黑短小相去

六十五萬里從是但有海水無有人民去鐵
圍山百四十萬里中阿崛摩煞人處在舍衛
國東八十萬里佛所化處亦一處
拘夷那竭國在迦維羅國之東南一千里王
舍國在迦維羅國之東南二千二百里佛
得道處在王舍城東南二百里

維耶離國在迦維羅國之東一千八百里捺
女國在維耶離城南三里道西
拘跋彌國在迦維羅國之西南千二百里
葉波國在迦維羅國之東千二百八十里
難國在迦維羅國之東三千二百里
舍衛國在迦維羅國之西五百里

卷三

二

卅

第九二册

波羅捺國在迦維羅衛國之西九百六十里
佛轉法輪處在波羅捺國之北二十里樹名
香淨降伏魔處也

波羅捺私國在舍衛國之南千四百里中間
有恒水東南流

耆闍崛山有五岳佛說經在中岳王舍國在

中岳之下出十二遊經

問曰如舍婆提迦毗羅婆波羅捺城皆有諸
王王舍何故獨名此城為王舍答曰有人言
是摩伽陀王有子一頭兩面四臂時人以為
不祥王裂其身首棄之曠野羅刹女鬼名梨
羅還合其身而乳養之後大成人力併諸國

取萬八千王置五山中以大力勢治閻浮提
因名此山為王舍城復次有人言摩伽陀王
先所住城中失火一燒一作如是至七國人
疲役王集諸智人問其意故有言宜應易處
王見此五山周匝如城即作宮殿於中止住
故名王舍城復次往古世時此國有王名婆

藪獸世出家學作仙人時居家婆羅門與諸
出家仙人共論議居家婆羅門言天祀中應
煞生散肉出家仙人言不應共諍云云諸出
家婆羅門言此有大王出家作仙人汝等信
不居家婆羅門言信出家仙人言我以此人
為證後日當問居家婆羅門先到婆藪所語

靈三

三

婆藪仙人明日論議汝當助我諸出家仙人
問天祀中應煞生散肉不婆藪仙人言應煞
生散肉此生在天祀中死故得生天上出家
仙人言汝大不是汝大妄語即垂之言罪人
滅去時婆藪仙人尋陷入地沒踝是初開大
罪門諸出家仙人言汝應實語若故妄語者
汝身當陷入地中婆藪言我知為天故煞羊
散肉無罪即陷至膝如是稍沒至頸出
家仙人言汝今妄語得現世報更以實語雖
入地下我能出汝令得免罪婆藪思惟我貴
重人不應兩種語又四違陀法中讚祀天法
我一人死當何足計一心言應天祀中煞生

敢肉無罪於是舉身沒地從是以來常用婆
藪仙人法於天祀中煞羊當下刀時言婆藪
煞汝婆藪之子名曰廣車嗣位為王亦獸世
法而不能出家如是思惟我父出家生入地
中若治天下復作大罪我今當何以自處時
空中聲言汝若行見難值希有處應是中作

舍住未經幾時王出田獵見有一鹿走疾如
風王便逐之百官侍從無能及者前見五山
周匝峻固其地莊嚴有天華香聞天妓樂是
處希有未曾所見今我正當此中舍住即捨
本城住此山中從是已後次第止住故名王
舍城出大智論
第三卷

精舍二

迦蘭陀所造竹園緣一

須達所造給孤獨園緣二

迦蘭陀長者施佛精舍事一

有豪貴長者名迦蘭陀追惜我國施與尼犍
不得奉佛及僧卧不安蓆有大鬼將軍名曰

半帥承佛神旨即召闍叉推逐尼犍裸形無
耻不應止此鬼帥奉勅搗打尼犍拖拽器物
尼犍怖走曰此何惡人暴害乃爾鬼帥答言
長者迦蘭陀當持竹園作佛精舍大鬼將軍
半帥見使逐汝輩耳明日尼犍共責數長者
長者心悅吾願遂矣答尼犍曰此諸鬼神強

卷三

四

暴含瞋懼必作害不如委去更求所安尼犍
忿恨即日恚去長者修立精舍僧房坐具衆
嚴都畢行詣樹下請佛及僧衆祐受施止頓
化濟靡不欣樂出中本
起上卷

須達多買園以立精舍二

須達多白佛言舍衛城中人多信邪如來大

慈唯願顧臨到舍衛城佛言彼無精舍云何
得去須達言弟子營起願見聽許世尊默然
願遣舍利弗指授模則即命共往案行周遍
無可意處唯太子祇陀園其地平正林樹鬱
茂遠近得中須達以白太子太子笑言欲用
遊戲慇懃再三太子言若能以黃金布地令

間無空者便當相與須達曰諾謹隨其價太子祇言我戲語耳須達言太子不應妄語即共與訟時首陀會天化作一人下為評詳言夫太子法不應妄語價既已決不宜中悔遂斷與之便使人象負金出八十頃中須更欲滿殘餘少地雜阿含經云五百步須達思惟何藏金足

祇陀問言嫌貴置之答曰不也祇陀念言佛必大德乃使斯人輕寶乃爾教即語須達園地屬卿樹林屬我我自上佛經云我自為佛造立門樓常使遊出入便就施功六師聞之往白國王長者須達買祇陀園欲為瞿曇興立精舍聽我徒眾與共角術沙門得勝便聽起立若其不如

靈三

五

不得起也王召須達而問之言今此六師云卿買園欲為瞿曇起立精舍求共沙門弟子較其技術若得勝者聽立精舍苟其不如便不得起須達歸家著垢膩衣愁惱不樂時舍利弗明日時到著衣持鉢至須達家即問之曰何故不樂須達具答此六師輩出家來久

精誠素有所學技術無能及者我今不知尊人技藝能與角不舍利弗言正使此輩六師之眾滿閻浮提數如竹林不能動吾足上一毛欲角何等自恣聽之須達歡喜更著新衣沐浴香水等即往白王我以問之恣聽其意王告六師今聽汝等共沙門角術六師宣告國人却後七日當於城外與沙門角術舍衛國中十八億人時彼國法擊鼓會眾若擊銅鼓八億人集若打銀鼓十四億人集若震金鼓一切皆集七日期滿至平博處椎擊金鼓一切都集六師徒眾有三億人是時人民悉為國王及其六師敷施高座爾時須達為舍利弗而施高座時舍利弗在一樹下入諸禪定而作是念此會大眾習邪來久憍慢自高草芥羣生當以何德而降伏之思惟是已即立誓言若我無數劫中慈孝父母敬尚沙門婆羅門者我初入會一切大眾為我作禮六師見眾已集而舍利弗獨未來到便白王言

瞿曇弟子自知無術衆會既集怖畏不來王告須達角時已到佛弟子宜來談論時須達至舍利弗所長跪白言大德大眾已集願來詣會時舍利弗從禪定起更正衣服以尼師壇著左肩上徐詳而步如師子王往詣大眾是時衆人及諸六師忽然起立如風靡草不覺作禮時舍利弗便昇須達所敷之座六師衆中有一弟子名勞度耆善知幻術於大眾前呪作一樹自然長廣蔭覆衆會枝葉鬱茂華果各異衆人咸言此變乃是勞度耆所作時舍利弗便以神力作旋嵐風吹拔樹根倒著於地碎爲微塵衆人皆言舍利弗勝復呪

靈三

六

壞無有遺餘復作一龍身有十頭於虛空中兩種種寶雷電震地驚動大眾舍利弗又化作一金翅鳥王擘裂毳之復作一牛身體高大肥壯多力鹿脚利角跑地大吼奔突來前舍利弗又化作師子分裂食之復變其身作夜叉鬼形體長大頭上火然目赤如血四牙長利口目出火騰躍奔趣時舍利弗自化身作毗沙門王夜叉恐怖即欲退走四面火起無有去處唯舍利弗邊涼冷無火即時屈伏五體投地求哀脫命辱心已生天即還滅衆咸唱言舍利弗勝勞度耆不如時舍利弗身昇虛空現四威儀作十八變作是變已還攝神足坐其本座時會大眾見其神力咸懷歡喜時舍利弗即爲說法隨其福行各得道迹六師徒衆三億弟子於舍利弗所出家學道長者須達共舍利弗往圖精舍手捉繩頭時舍利弗欣然含笑須達問言尊人何笑荅曰汝始於此經營地而六欲天中宮殿已成即

靈二

七

借道眼須達悉見問舍利弗是六欲天何處最樂舍利弗言第四天中少欲知足恒有一生補處菩薩來生其中法訓不絕須達言曰我正當生第四天中出言已竟餘宮悉滅復更捉繩時舍利弗慘然憂色即問尊者何故憂色答言汝今見此地中蟻子不耶汝於過去毗婆尸佛亦於此地為彼世尊起立精舍而此蟻子猶在此中生乃至迦葉佛時亦復如是九十一劫受一種身起立精舍為佛作窟以妙梅檀用為香泥別房住止千二百處凡百二十處別打犍椎竟即白王唯願大王遣使請佛王即遣使詣王舍城請佛及僧唯願世尊臨履舍衛佛與四眾前後圍遶放大光明震動天地至舍衛國所經客舍悉於中止道次度人無有限量漸漸來近舍衛城邊一切大集持諸供具招待世尊世尊到國放大光明遍照三千大千世界足指案地地皆震動城中妓樂不鼓自鳴盲視聾聽啞語儂

伸癘殘拘躄皆得具足一切人民男女大小覩斯瑞應歡喜踊躍來至佛所十八億人都悉集聚今時世尊隨病授藥為說妙法各得道迹出賢愚經第十卷雜阿含

崑崙寶山為五百羅漢所栖一

十大山王二

地動八種緣三

崑崙寶山為五百羅漢所居

崑崙山者則閻浮提地之中心也山皆寶石周匝有五百窟窟皆黃金常有五百羅漢居之阿耨大池周圍山外山內平地河處其中

河岸有四金獸頭口流出水各繞一匝還其四方投入四海象口所出者則黃河是也其泉方各二十五由延深二十一里泉中有金臺臺方一由延臺上有金蓮華以七寶為莖如來將五百羅漢常以月十五日於中說戒

出興起行經上卷

卷三

八

閻浮提十大山王二

大地有十大山王一雪山王二香山王三軻

梨羅山王四仙聖山王五由軻陀山王六馬

耳山王七尼民陀羅山王八斫迦羅山王九

宿慧山王十須彌山王出華嚴經第二十二卷

地大動有八種緣三

佛在舍衛城告諸比丘有八因緣而地大動

此地深十六萬八千由延為水所持水依虛

空或復是時虛空風動而水亦動水動地便

大動是初動也若比丘得神足所欲自在觀

地如掌能使地大動是二動也若復諸天有

大神足有大威力能使地動是三動也若復

菩薩在兜術天欲降神下生是時地動是四

動也若菩薩自知在母胎地為大動是五動

也若菩薩知滿十月當出母胎地為大動是

六動也若菩薩出家於道場坐降伏魔怨終

成等覺地為大動是七動也若如來於無餘

涅槃界而般涅槃是八動也出增一阿含第二十三卷

樹四

千光明國樹出法音一

神藥樹二

大藥樹三

五面益物大樹四

象藏香五

靈三

九

牛頭栴檀六

須彌南樹七

毒樹八

千光明國樹出法音一

過去有佛号師子吼鼓音王國名千光明十

寶成樹樹出空無相無作無生無所有無取

相如是諸法之音出諸法無行經

神藥樹二

有神藥樹名曰摩羅陀祇主馱天下萬毒不

得妄行有大神地身長百二十丈地行索食

有黑頭虫身長五丈虫行道中與地相逢適

欲舉頭前斷大虫地聞藥香屈頭欲走地身

羅藥樹身即中斷分作兩段頭半生得走尾便臭爛諸毒聞此地是諸惡毒氣皆消滅善出

信經

卷下

大藥樹三
雪山頂有藥王樹名非從根生非不從根縱廣六百八十萬由旬下極金剛際此樹生根

時間浮提樹一切根生若生莖時及枝葉華

果時間浮提樹一切悉生枝葉華果其樹根

能生莖莖能生根是故名曰不從根生非不

從根於一切處悉能生長唯除地獄深坑及

水輪中不得生長耳

出華嚴經第三十卷

五面益物大樹四

昔者有王王名物獵國中有一樹名蓋波提恒

五百六十里圍下根周匝八百四十里高四

十里枝四布匝二千里樹有五果道有五面

一面者國王與官諸妓女共食其果二面者

大臣百官皆共食之三面者人民共食之四

面者諸沙門道士共食之五面者飛鳥虫獸

共食之樹果皆如二斗瓶其味甜如蜜樹無

守者果分初不相侵時人皆壽八萬四千歲

時人有九種病一者寒二者熱三者飢四者

渴五者大便六者小便七者愛欲八者食多

九者年老女人年五百歲爾乃行嫁出雜阿

大象藏香五

靈三

十

人中有香名大象藏因龍闢生若燒一九與

大光明細雲覆上味如甘露七日七夜降香

水雨若著身者身則金色若著衣服宮殿樓

閣亦悉金色若有眾生得聞此香七日七夜

歡喜悅樂滅一切病無有枉橫遠離恐怖危

害之心專向大慈普念眾生我知彼已而為

說法今無量眾生得不退轉出華嚴經第四十二卷

牛頭栴檀香六

牛頭栴檀香從離垢山生若以塗身火不能

燒出華嚴經第四十三卷

須彌南樹七

須彌山南有一大樹高四千里諸鉢叉鳥恒

栖其上樹常不動有一小鳥形類鷓鴣任止其上樹輒震撫鉢叉樹神言汝無知我身重大而自不動小鳥來時反更震搖神言此鳥雖小從海底食一金剛金剛為物所墮之處無不破散所以大怖不能自安耳出十卷譬喻經

第七卷

毒樹八

舍衛國有官園生一毒樹男女遊觀停息其下或頭痛欲裂或臂脊疼或於樹下終守園人施長柯斧長一丈有餘遙斫去之未經旬日生已如故如是多過枝葉隨復如舊團圓樹中之妙眾人見者無不歡喜不知忌諱皆

靈三

來遭此園人宗親貪樂樹蔭盡取命終園人隻立晝夜愁憂號悲行走有問智人語之當盡其根適欲掘根復恐定死進更思惟出家學道佛言

伐樹不盡根 雖伐猶復生 伐愛不盡本 數數復生苦

心寤剋責即得初果出所經

河海五

四大河一

五大河二

大海八德三

四大河一

復有四大河從阿耨大池出流趣大海一名恒伽二名辛頭三名葡义四名司陀彼恒伽從金象口出遶池一匝流趣東海彼辛頭從銀牛口出遶池一匝流趣南海彼葡义從琉璃馬口出遶池一匝流趣西海彼司陀者從頗梨師子口出繞池一匝流趣北海彼四大河各有四河以為眷屬唯說廣大有名字者然彼四河各有五百眷屬合有二千河終趣大海出毗婆沙第二卷

五大河二

西流者名恒南流者名耶云東流者有兩一名沙陸一名阿夷趣北流者名墨皆流樹于

海立天地來雨落河澍水無增減去其舊名合為一海水也出海八德經

大海有八德三

佛遊無勝國常以十五日為諸沙門說戒坐定佛默然無言阿難曰坐定世尊乃曰諸沙門中有心邪行違者非其下賤所能執行清獨相違吾不說也目連入定觀見即謂之曰起非爾俗人所應坐處不肯時起牽臂使出曰爾無至德心懷六邪何敢以是溷之體坐天香之座爾時棄人非沙門矣佛告沙門觀彼巨海有八德其廣即汪洋無涯其深則有不測之底稍入稍深無前所礙斯一德也靈三十一

潮不過期斯二德也海含眾寶靡所不包死屍是朽海不容焉斯三德也海懷眾珍無求不得斯四德也普天之下有五大河流入于海皆去舊名合為一海斯五德也五河萬流兩落恒澍海中水如故曾無增減斯六德也海有眾魚因軀巍巍第一魚身長四千里第

二魚身長八千里第三魚身長萬二千里第四魚身長萬六千里第五魚身長二萬里第六魚身長二萬四千里第七魚身長二萬八千里斯七德也海水通鹹邊中如一斯八德也出海八德經寶珠六

明月摩尼珠一

大海生寶珠二

光明大寶三

明月摩尼珠一

明月摩尼珠多在龍腦中若眾生有福德者自然得之猶如地獄自生治罪之器此寶亦

名如意珠常出一切寶物衣服飲食隨意所欲得此珠者毒不能害火不能燒或云是帝釋所執金剛與阿脩羅鬪時碎落閻浮提又言諸過去久遠佛舍利法既滅盡變成此珠以為利益出大智論第五十九卷生寶珠二

靈三

十三

大海中有四寶珠一切眾寶皆從生之若無四珠一切寶物漸就滅盡諸小龍神不能得見唯娑伽羅龍王密置深寶藏中此深寶藏有四種名一名眾寶積聚二名無盡寶藏三名遠熾然四名一切莊嚴聚出華嚴經第三十卷光明大寶三

大海之中有四然熾光明大寶一名日藏光明大寶二名離洄光明大寶三名火珠光明大寶四名究竟無餘光明大寶若大海中無此四寶四域天下金剛圍山乃至非想非非想處皆悉漂沒日藏光明能變海水為酪離洄光明能變海酪為酥火珠光明能然海酥究竟無餘光明大寶能然海酥永盡無餘華嚴經第三十卷

人飲乳多少及形壽不同七

閻浮提兒生墮地乃至三歲母之懷抱為飲幾乳彌勒答曰飲乳一百八十斛除母腹中所食四分東弗于逮兒生墮地乃至三歲飲

乳一千八百斛西拘耶尼兒生墮地乃至三歲飲乳八百八十斛北鬱單曰兒生墮地坐陌頭行人授指味吮七日便成人彼土無乳中陰眾生飲吸於風閻浮提眾生命百歲東弗于逮眾生命二百五十歲西拘耶尼眾生命五百歲北鬱單曰人壽命千歲中陰

眾生命七曰閻浮提眾生人面上廣下狹東弗于逮人面正圓拘耶尼人面上狹下廣鬱單曰人面形正方中陰眾生命狀如他仗自在天也出眾經鬱單曰二

此北鬱單曰天下周匝廣長各四十萬里有種種山其河兩邊有種種樹及種種華水中重三有船以四寶作之浴池名難陀其水涼軟底沙皆金周匝有陸四寶作之金陸銀桃銀陸金桃琉璃陸水精桃水精陸琉璃桃有種種蓮華華若斷者汁出如乳味甘如蜜光照四十里其香亦聞四十里地東有河名已味池十四

南有河名修竭池西有河名大土池北有河
 名善種是諸河水皆有華樹以四寶成池東
 有園名賢上欄楯行樹亦四寶成園中香樹
 出種種香有衣被樹有瓔珞樹出種種衣被
 瓔珞有音樂樹出種種音樂樹高七里有高
 六里五里四里三里二里池南有園觀名與
 賢池西有園觀名羅越他北有園觀名常有
 華諸樹所出及其高卑亦如東園北方天下
 樹曲交路天人在上男女異處有淨潔粳米
 不種自生出一切味若欲行姪意起相視無
 所言說男子便前行女人隨後至園觀中共
 相娛樂或二三日或至七日隨意罷去不相
 屬也女人懷妊七八日便生持著四微道中
 若有人從四面來者與指噉出乳飲之過七
 日已自以福德即自長大如閻浮人年二十
 若二十五也周匝四方有水名阿耨池後夜
 雲起雨八味水如人飲食地若油塗塵土不
 起草樹當有華寶皆香如香熟時有亂風吹

掃上賢園觀伊蘭風至吹落華至人膝此天
 下人皆入園中遊戲相娛無所係屬人欲食
 時取淨潔粳米以焰味珠光爨其下飯熟則
 四方至隨皆食之食亦不盡
 有樹名象兜交曲上合如交路人民在上止
 宿男女異處人齒髮紺青長八寸人面色同
 長短等皆壽千歲死主欲界諸天天壽終去
 閻浮提大豪貴家大小便利地裂受之受已
 還合
 死時好衣服莊嚴之不啼哭置四微道中鬱
 遮鳥舉置北方天下外出樓炭經

十五末

經律異相卷第三

靈三

孽裂上補鼈上并鼈下音拘下式婆下音
 曳上威蹀上胡跑上步峻下反固下反摸下音
 胡上莫推上直靡上被疾上徒柯上冬斧上歌
 音反忌下許慘上感捷上音推下音軻上地梨上音甜下音
 狹反侯殘中上拘下必軻上音梨上音甜下音

徒 添 鶻 鷄 下音倬 葡 人 上音蒲 流 澍 下音陸 米 蒲
狹 反以夾 四 徼 下音 襄 反 紺 反 唼 音

經律異相卷第四

梁沙門寶唱等撰

靈四

應始終佛部第一

得道師宗一

現生王官二

現迹成道三

阿難問葬法四

現般涅槃五

摩耶五衰相現六

得道師宗一

如來在昔久遠劫時行菩薩道為大國王父
母崩殂讓國與弟獨行求道見一婆羅門姓

張珍

瞿曇氏從之受學因同其姓入於深山禪思
念道乞食還國人不識呼小瞿曇自於城
外甘蔗園中起立精舍有五百大賊劫盜官
財經園邊過明日步蹤遂錄菩薩以木貫身
立大樹下血流於地大瞿曇氏飛來問曰有
何罪酷乃至尔呼官人放弩射而殺之大瞿

曇泣下沾棺取血濕土以為泥團持還精舍
置左右二器中曰是道士若至誠者天神當
使血化為人却後十月左即成男右即成女
姓瞿曇氏男名舍夷賢劫中寶佛時又号釋
迦越壽五百萬歲者是也 出十二經 佛在摩竭
提界善勝道場元吉樹下德力降魔度二估
客唯錠光如來辯吾佛名云汝於來世九十
一劫當得作佛字釋迦文十号具足如我今
也吾從是來積功累行六度四等修持不倦
功報無遺大願成果 出中本
現生王官二
究竟菩薩在兜率天諸天共議當使菩薩現